



二十一史彈詞註 三上



漢書門類			
二	四	五	八
冊	架	函	號

內閣文庫			
二	五	漢	
〇	一	書	
四	三		
八	八		
架	冊	號	類


內閣文庫			
番號	漢	5138	
冊數	24	( 3 )	
函號	290	134	



廿一史彈詞註卷之三上

成都楊 慎用修編著

漢陽張三異禹木增定



男仲璜別麓註 會孫任佐較刊

第三段 說秦漢 臨江仙

滾滾長江東逝水浪花淘盡英雄是非成敗轉頭空青  
山依舊在幾度夕陽紅 白髮漁樵江渚上慣看秋月  
春風一壺濁酒喜相逢古今多少事都付笑談中

詩曰

成敗興亡古至今飛雲去鳥入銷沉荒郊廢塚傷心  
處不待田文聽鼓琴

記得東周併入秦回頭楚漢鬧乾坤時來驟雨推潢  
潦勢敗狂風捲片雲富貴一場鴛枕夢是非千載馬  
蹄塵殘山剩水年年在不見謀王圖霸人

剪雪裁冰詩有味降龍伏虎事曾聞夜來說到降龍  
處今日還尋伏虎人伏虎降龍輸好漢談今說古看  
書人休嫌短話成長話要把新文接舊文打虎金槌  
休換柄斬蛟寶劍再磨新斬蛟寶劍長三尺打虎金  
槌重九觴故典尋來知往事新詞說動長精神死灰  
撥火重生燄枯樹開花再遇春春去春來人易老花  
開花落可憐人不如忙裏偷閒好再把新詞聽一巡  
昨序說夏商周三代到周赧王被秦昭王逼獻國邑旋

滅東西周而周亡

秦之先原姓嬴氏周孝王時有非子者為主馬之官孝  
王封為秦伯閱二世至秦仲其國始大傳之

莊公 襄公 文公 寧公 武公 德公

宣公 成公 穆公 康公 共公 桓公

景公 哀公 惠公 悼公 厲公 躁公

懷公 靈公 簡公 獻公 孝公 凡二十四

世孝公用商鞅之術富國強兵傳之子是稱惠文王傳  
之武王武王因舉鼎絕膺而死其弟名稷嗣位是為昭  
王乙巳年滅周又六年薨其子孝文王即位三日而死  
傳其子莊襄王按莊襄王名楚先前納呂不韋之妾生

子名政莊襄王在位三年而亡其子政即位冒嬴氏之  
姓甲寅年為始征伐六國二十年之後滅韓又滅趙滅  
魏滅楚滅燕至庚辰年滅齊天下歸一自稱始皇帝晏  
駕之日趙高殺其太子扶蘇立次子胡亥為二世皇帝  
三年趙高弒之立扶蘇之子名子嬰降號為二世秦王  
計誅趙高四十六日沛公入關降於軹道傍而秦亡隨  
為楚項籍所殺又五年楚為漢滅天下定於一矣  
漢高祖姓劉名邦平秦滅楚諸侯王奉即皇帝位在位  
十二年傳之

惠帝 在位七年  
文帝 元年 後元在位二十三年  
景帝 元年 中元 後元 在位十六年  
呂后 前後少帝在位各四年

武帝 建元 元光 元朔 征和 後元 元鼎 元封 在位五十四年  
宣帝 鳳始 甘露 元康 神爵 五 在位二十五年  
元帝 初元 永光 建昭 成帝 建始 鴻嘉 永始 陽朔 在位十六年  
哀帝 建平 元壽 在位六年  
孺子嬰 居攝 初始 在位三年

平帝 元始 在位五年

凡十三主共二百十一年是為西漢被外戚王莽所奪  
莽毒弒平帝廢孺子嬰改國號曰新篡位十八年漢兵  
起奉宗室劉元為帝名曰更始誅莽即位三年為赤眉  
所奉劉盆子所滅降封淮陽王盆子兵敗降於光武  
光武皇帝劉秀者南陽宗室出景帝之裔大戰昆陽誅

王莽斬王郎平赤眉等寇神武中興建武中元在傳

之明帝永平在位十八年章帝建初和元在位十三年章

和帝永元元興在位十七年殤帝延平在位一年

安帝永初元初永寧建在位十九年

順帝永建陽嘉在位十九年漢

冲帝永嘉在位一年質帝本初在位一年

桓帝建和和平元嘉永興永在位二十二年

靈帝建寧熙平元和獻帝初平興平建在位二十二年

凡十二主共一百九十五年天下魏蜀吳三分

秦始皇至漢獻帝通共四百三十三年中間覆雨翻雲

幾場興廢談論間不能細說略將大槩品題

七戰國秦昭王英雄獨霸

秦嬴昭襄王名稷秦武王之異母弟也質於燕武王好力戲舉鼎絕脈而死無子魏冉與國人迎稷立之將白起相范雎伐楚伐趙六國質子獻城咸有帝秦之意七國註見二段七暴國下秦嬴註見二段非子封秦下

奪周朝取世界遷徙周民

昭王攻周赧王盡獻其邑周民不樂屬秦東亡於鞏秦收其寶器遷西周公於愚狐聚愚狐聚在洛陽南即古梁城愚音憚

昭王死子孝文繼登三日

昭襄王薨子孝文王名柱即位三日而薨

奄然間無疾病做了亡人

莊襄王恰三年龍牀未煖

莊襄王名楚孝文王之子初質於趙因呂不韋之計歸秦為嗣即位三年薨諡法睿智克服曰莊辟地有德曰襄

### 棄羣臣亡化了結果嬴秦

楚死子政嗣政實不韋之子秦嬴氏之裔絕矣胡致堂曰孝文立三日薨莊襄立三年薨何其遽也呂不韋能以其子為秦王子豈不能疾去二君以其子為秦國王哉

### 秦始皇呂家兒根源不正

莊襄王名異人初質於趙陽翟大賈呂不韋適邯鄲見異人曰此奇貨可居乃說曰太子愛華陽夫人而無子子之兄弟二十餘人子居不甚見幸不韋請以于金西游立子為嗣異人曰必如君策秦國與子共之不韋乃厚貲西見夫人曰必如君策秦國與子異人賢自知中子不得為適誠以此時拔之是異人無國而有國夫人無子而有子也夫人遂與太子約為嗣因請不韋傳之不韋娶邯鄲美姬與居知其有娠與異人飲見而請之不韋佯怒既而獻之期年生子政異人立姬為夫人邯鄲之圍異人亡赴秦軍遂

歸更名楚楚薨政嗣位年十三陽

翟秦邑今開封府禹州華陽宮名

璜按史載始皇以呂易嬴蓋以期年而生子政為據解者曰人十月生此過二月踰常期故知為不韋子心竊疑之今讀朱青巖輯要云婦人胎氣以十月為滿不韋進姬於異人期年生子是納後兩月受胎何得謂知其有娠而獻之夫婦人有娠必一二月而後知又期年生政是始皇之生不幾上同堯禹下侔漢昭乎蓋秦以詐力併天下漢人惡其焚書坑儒因不韋私通於太后故遂以曖昧之事互相傳述以實之其事與晉以牛易馬皆無實據不得挾李園而議之也此論可解期年之疑而定呂嬴之案矣

### 呂不韋稱仲父於國何親

呂不韋封相國為文信侯號稱仲父後不韋以罪免相就國歲餘諸侯使者請之相望於道始皇恐其為變賜不韋書曰君何功於秦封河南十萬戶何親於秦號稱仲父徙處蜀飲酖死蜀今成都府

### 咸陽市懸千金誇張呂覽

初不韋為相國使其客集儒書著其所聞為十二紀八覽六論訓解各十萬言備天地古今萬物之事名

為呂氏春秋暴之咸陽市門懸千金其上有能增損一字者與之時人無能增損者高誘為序以為人非不能增損蓋憚相國畏其勢耳咸陽縣名屬西安府其地在山南水北山水皆陽故名咸陽

### 大陰人一塲亂出醜難聞

初始皇年少太后與文信侯私通王壯文信侯恐事覺乃私求大陰人嫪毐詐為宦者進之生二子封毒為長信侯政事皆決於毒後有告毒非宦者下吏治罪毒發兵為亂始皇使相國昌平君攻毒獲之滅三族遷太后於雍殺其二子雍今鳳翔府嫪音勞毒音藹

### 承累世大威風消磨六國

秦自孝公以來累世窺周國富兵強雄吞六國至始皇承六世之餘烈亡二周而吞諸侯遂成一統

### 繫韓王削趙壤魏楚難存

秦十七年內史勝滅韓擄韓王安置潁川郡十八年命王翦伐趙趙使將軍李牧禦之秦厚賂趙嬖臣郭開言牧欲反趙主使趙蔥顏聚代牧翦大破趙軍克邯鄲擄趙王遷二十二年遣王翦子賁伐魏魏王假

降殺之滅魏二十三年王翦伐楚楚悉國中兵禦之翦擊破之殺其將軍項燕二十四年擄楚王負芻滅楚置楚郡潁川郡今開封許昌楚郡今壽州賁音奔

### 滅燕國俘遼東如同刈草

秦十九年擄趙王遷趙公子嘉自立為代王與燕合兵抗秦二十年燕太子丹以荆軻劫始皇不克秦益發兵就王翦於中山與燕代戰於易水西遂拔薊燕王走遼東斬丹以獻秦秦復進兵攻之至二十五年王賁滅燕擄燕王喜還滅代擄代王嘉

### 入臨淄蠶王建松柏飄零

二十六年秦王賁自燕南攻齊使陳馳誘齊王約封以五百之地賁猝入臨淄民莫敢格齊王建遂降秦遷之共處之松柏之間飢死齊人怨建聽賓客姦人者客耶共今衛輝府輝縣

### 取百越却匈奴鞭笞天下

秦二十五年王剪自楚郡定江南降百越置會稽郡  
三十二年盧生入海還因奏錄圖書曰亡秦者胡也  
始皇乃遣蒙恬發兵三十萬北伐匈奴收河南地為  
四十四縣始皇專以刑威立國賈誼曰始皇履至尊  
而制六合執敲朴以鞭笞天下  
會稽郡今紹興府河南地今寧夏

### 罷諸侯置郡守撐達為君

丞相王綰等言燕齊荆地遠請立諸子為王以鎮之  
廷尉李斯曰周封同姓甚眾攻擊如讐敵天子弗能  
禁今海內一統皆為郡縣甚足易制置諸侯不便  
始皇是其議分天下為三十六郡郡置守尉監

### 自稱為始皇帝革除謚法

始皇自以德過三皇功高五帝乃更號曰皇帝又除  
謚法曰死而以行為謚是子議父臣議君也自今以  
來除謚法朕為始皇帝後以數計  
二世三世至於萬世傳之無窮

### 登泰山大封禪立石銘勳

始皇東行郡縣上鄒嶧山立石頌功德魯儒生議封  
禪議各乖異始皇絀儒生而除車道上自山陽至巔

封泰山立石頌德從陰道下禪於梁父封藏皆秘之  
世不得而記也積土為封謂負土於泰山上為壇  
而祭之除地為壇祭於梁父後改壇曰禪廣長十二  
丈壇高三尺階三等而樹石泰山之上高二丈一尺  
廣三尺凡封禪用玉牒書藏方石有玉檢又用石檢  
十枚列於石傍檢用金繩纏以五周以水銀和金為  
泥封之印以受命之璽又有玉匱一長一尺三寸以  
藏上帝之冊金匱二藏帝之冊泰山在濟南府泰安  
州北三里即東嶽岱宗也山高四十餘里有石表東  
嶽廟封神壇鄒嶧山在兗州府鄒縣東南二十五里  
即嶧山也梁父泰山下小山在泰安州  
東南一百一十五里漢書以此山名縣

### 造鐘鑲鑄金人銷除兵器

收天下兵器聚咸陽銷以為鐘鑲鑄金人十二置宮  
庭中周禮梓人為筍虞樂器所縣橫曰筍植曰鑲  
其聲大而宏則於鐘宜若是者以為鐘虞是故擊其  
所縣而由其虞鳴始皇二十六年有方人十二見於  
臨洮身長五丈足履六尺皆夷狄服始皇以為瑞乃  
銷兵器鑄為金人象之各重千石坐高二丈號曰翁  
仲一書云始皇使阮翁仲將兵守臨洮聲振匈奴有  
仲死遂銅鑄其形像置咸陽宮司馬門外匈奴至有



見之者猶以為生  
錄與虞通音巨

### 坑儒生焚聖典殄滅斯文

李斯上書曰今天下已定法令出一諸生不師今而  
學古聞令下則各以其學議之入則心非出則巷議  
臣請天下有藏詩書百家語者皆詣守尉燒之偶語  
詩書者棄市以古非今者族所不去者醫藥卜筮種  
樹之書欲學法令者以吏為師制曰可會侯生盧生  
相與譏議因亡去始皇大怒曰諸生或為妖言以亂  
黔首使御史按問之諸生咸陽一書云秦既焚書儒  
多謗怨召諸生至者皆坑之咸陽一書云秦既焚書儒  
月種瓜於銅谷中溫處瓜有實詔下博士諸主說之  
人人各異乃命就之先為伏機諸生各相難不能  
決因發械填之以土焚書坑在驪山下即坑儒谷  
填大海建阿房蓬萊求藥  
始皇作石橋欲通海看日出處有神人驅石入海石  
去不速神輒鞭之流血又東巡幸遇秦橋之水率百  
官以下人提一石以填之俄而橋成如履平地又以  
咸陽人多先王宮庭小乃營朝宮渭南上林苑中先

作前殿阿房東西五百步南北五十丈上可坐萬人  
下可建五丈旗周馳為閣道自殿下直抵南山表山  
巖以為闕複道周馳為閣道自殿下直抵南山表山  
萬人分作阿房驪山關中計宮三百餘關外四百餘  
生說始皇所居宮觀複道相連惟帳鐘鼓美人充之咸  
陽三百里內宮觀複道相連惟帳鐘鼓美人充之咸  
行幸有言其處者死初燕宋無忌羨門子高之徒稱  
有仙道形解消化之術自齊威宣燕昭王皆信之使  
人入海求蓬萊方丈瀛洲云此三神山在渤海中仙  
人及不死藥在焉始皇東遊海上方士徐市等上書  
請得齋戒與童男男女求之於是發童男女數千人  
往船交海中皆以風為解曰未能至望見之焉無道  
德經月中仙人宋無忌白擇圖云火之精曰宋無忌  
蓋其為房阿仙也羨門古仙人名子高阿曲也殿之四  
曲皆為房阿仙也羨門古仙人名子高阿曲也殿之四  
渭南上林苑中驪山臨潼縣東南二里因驪戎所居  
故名山之麓  
溫泉所出

### 築長城修五嶺苦害生民

築長城起臨洮至遼東延袤萬餘里暴師於外十餘  
年畧取南越地置桂林南海象郡以謫徙民五十萬

戊五嶺 臨洮縣臨洮水故名屬隴西郡隸陝西桂  
林今廣西桂林府南海今廣東廣州府象郡今廉州  
雷州等府皆是五嶺裴潛廣州記大庾始安臨賀桂  
陽揭陽唐書註云大庾嶺在虔州永明嶺白芒嶺在  
道州臘嶺在桂  
州各有小異

### 博浪沙飛金椎副車誤中

韓人張良五世相韓韓亡良散千金之產欲為報讐  
始皇東遊至陽武博浪沙中良令力士操鐵椎徂擊  
始封府今縣南有博浪沙亭

### 十日索無踪影未免擔驚

良擊始皇不中始皇驚求  
弗得令天下大索十日

### 因巡狩至沙邱鑿輿晏駕

始皇東巡少子胡亥與李斯從至平原津病篤乃令  
趙高為書賜太子扶蘇與喪會咸陽而葬未付使者  
遂崩於沙邱 平原津今德  
州沙邱故城在萊州府掖縣

### 鮑魚車同載轉廝混尸靈

始皇崩秘不發喪棺載輜涼車中會暑輜車臭乃詔  
從官令車載一石鮑魚以亂其臭 車有牕牖閉則  
輜開 則涼

### 奸臣計暗圖謀扶蘇太子

趙高謂李斯曰扶蘇即位必用蒙恬為丞相君侯終  
不懷通侯之印明矣胡亥慈仁篤厚可以為嗣斯然  
之乃相與矯詔立胡亥為太子更為書賜扶蘇  
數以不能立功上書怨謗而恬不矯正皆賜死

### 可憐哉同恬毅賜死長城

始皇尊寵蒙氏蒙恬將兵長城蒙毅常居中謀議始  
皇病遣毅出禱山川未反而始皇崩趙高等遂矯詔  
賜蒙恬與扶蘇死扶蘇泣欲自殺恬曰陛下使臣守  
邊公子為監此天下重任也今一使者來安知其非  
詐復請而死未暮也扶蘇曰父賜子死尚安復請即  
自殺恬不肯死繫諸陽周還報亥欲釋恬會毅禱山  
川還高曰先帝欲立太子久矣而毅以為不可乃繫  
諸代亥至咸陽發喪襲位遂殺毅恬曰吾積功信於

秦三世矣今將兵三十餘萬其勢足以畔然而守義者不敢辱先人之教以不忘先帝也乃吞藥自殺

### 秦二世用趙高指鹿為馬

秦二世皇帝名胡亥以趙高為中丞相高欲專權恐羣臣不聽乃先設驗持鹿獻二世曰馬也二世笑曰丞相誤耶問左右或默或言鹿高陰中諸言鹿者以法後羣臣皆畏高莫敢言其過

### 歾李斯阿督責黃犬東門

陳勝等兵起二世數誚讓李斯居三公位如何令盜如此斯懼乃阿二世意對曰賢主能行督責以獨斷於上羣臣百姓救過不給何變之敢圖二世於是督責益嚴民益亂後趙高譖斯長男由守三川與盜通二世使人按驗斯上書言高罪又諫止阿房宮作者減四邊征戍轉運二世曰君不能禁盜又欲罷先帝所為下吏按罪屬高治之撈掠千餘斯誣服與由反狀論腰斬咸陽市斯顧謂其中子曰吾欲與若牽黃犬俱出上蔡東門逐狡兔豈可得乎遂父子相哭而歾三族

今縣屬汝寧府

### 望夸宮求王侯至於黔首

### 丞相命槩不許刀下亡身

趙高數言關東盜無能為及沛公攻武關二世使責高高懼乃與其婿咸陽令閻樂將吏卒至望夸宮殿門殺衛令入射上幄坐帷二世召左右皆惶擾不關樂前數二世曰足下驕恣誅殺無道天下皆畔其自為計二世曰吾願得一郡為王弗許願為萬戶侯又弗許願與妻子為黔首樂曰臣受丞相命為天下誅足下足下雖多言臣不敢報麾其兵進二世自殺武關在西安府商州東望夸宮秦所建在西安府東南八十里

### 子嬰起誅趙高力扶宗社

趙高立二世兄子子嬰為秦王子嬰與其二子謀曰趙高殺二世佯以義立我使我齋見廟成稱病不行高必自來來則殺之高果自往子嬰刺殺高夸其三族

王氣銷天命改換了乾坤

子嬰稱王四十六日

都只為二世君窮奢極欲

二世嘗曰人生世間譬猶騁六驥過決隙吾欲極耳目之好窮心志之樂以終吾年壽

視等生如草芥重法嚴刑

趙高謂二世曰陛下刻法而嚴刑則高枕肆志寵樂矣二世乃更為法律務益深刻更音庚

發戍卒動人心雷魚變亂

二世發閭左戍漁陽九百人屯大澤鄉楚陽城人陳勝王置人所罾魚腹中卒買魚烹食得腹中書怪之會天大雨道不通度已失期乃召令徒屬曰公等皆失期當斬壯士不死則已死即舉大名耳王侯將相寧有種乎眾皆從之遂起兵秦時復除者居閭里之左今力役煩在閭左者盡發之戍屯兵以守也漁陽今順天府薊州大澤鄉在徐州豐縣北陽城今宿

州陽夏今太康縣屬開封府

假狐鳴煽惑起廣勝張陳

陳勝又令吳廣於叢祠中夜篝火作狐鳴曰大楚興陳勝王卒皆驚恐勝乃詐稱公子扶蘇楚將項燕為壇而盟稱大楚勝自立為將軍廣為都尉比至陳率數萬人入據大梁張耳陳餘詣門上謁勝大喜陳中父老請立勝為楚王勝以問耳餘對曰將軍始至陳而不之示天下私願將軍急引兵而西遣人立六國後為秦益敵敵多則力分與眾則兵強誅暴秦據咸陽以令諸侯則帝業成矣勝不聽自立為王稱張楚以廣為假王陳州名屬開封府

趙武臣魏王咎人人舉事

陳王以陳人武臣為將軍以耳餘為左右校尉狗城又令魏人周市狗魏武臣自立為趙王十餘城耳餘乃說武臣自立為趙王周市畧定魏地立魏公子咎為魏王

齊田儋燕韓廣處處分爭

單同生卷三

上

七

田儋故齊王族也與從弟榮橫皆豪健周市狗地至  
狄儋殺狄令而召豪吏子弟曰諸侯皆反秦自立齊  
古之建國也儋田氏當王遂自立擊市走之略定齊  
地趙將韓廣畧燕燕豪傑共立以為燕王 狄今樂  
安縣屬 青州府

### 劉沛公項重瞳興兵輔楚

沛人劉邦字季初為泗上亭長會陳勝兵起沛父老  
殺沛令迎季立為沛公掾主吏蕭何曹參等為季收  
沛子弟得三千人欲以應楚楚將項燕子梁嘗殺人  
與兄子籍避讐吳中會稽守殷通欲應勝梁使籍斬  
通舉吳中兵收秦下縣得精兵八千人亦欲應楚會楚  
莊賈弒勝降秦陳人秦嘉起兵於郟乃立景駒為楚  
王廣陵人召平為楚狗廣陵聞陳王敗乃拜梁為上  
柱國引兵擊秦梁遂以八千人渡江而西梁曰陳王  
首事戰不利未聞所在秦嘉立景駒大逆無道乃進  
擊嘉駒殺之召別諸將至薛討事沛公亦往焉居鄭  
人范增年七十好奇計說梁曰楚自懷王入秦不反  
楚人憐之故楚南公曰楚雖三戶亡秦必楚陳勝不  
立楚後而自立其勢不長今君起江東楚豈起之將  
皆爭附者以君世世楚將能復立楚後也梁乃求得

楚懷王孫心立為楚懷王都彭越後梁與秦將章邦  
戰敗死懷王號羽為魯公章邯擊趙羽將兵救趙大  
破秦兵遂以羽為上將軍項籍字羽目重瞳沛今  
徐州沛縣秦法十里一亭亭置長主督盜賊泗水亭  
在沛縣東郊今淮安府海州廣陵今揚州府薛故城  
在滕縣居鄭今巢縣屬無為州三戶漳水津也在相  
州濇陽縣界盱眙縣名屬鳳陽府

### 子房公能趁勢復立韓成

初項梁立楚後張良因說梁曰君已立楚後而韓諸  
公子橫陽君成最賢可立為王益樹黨梁立成為韓  
王以良為司徒西畧韓地張良字子房其先韓人家  
禹州封留侯謚文成

### 六戰國惡喂喂重興舊業

先六國為秦滅至是始立懷王孫心為楚懷王趙  
王武臣為將李良所殺張耳陳餘復立趙歇為趙王  
魏咎為秦敗自殺楚立魏豹為魏王田儋為秦章邯  
所殺齊人復立田假為王儋弟榮逐假立儋子市為  
齊王韓廣為燕王韓成為韓王

笑談間齊響應變了民心

時郡縣苦秦法  
爭殺長吏以應

劉沛公入關陝秦降軹道

是王遣沛公伐秦沛公北擊昌邑西過高陽下陳留  
南取潁川因張良畧韓地良引兵從沛公畧南陽南  
湯守降遂入武關秦將距嚙關沛公大破之遂至霸  
上秦子嬰素車白馬繫頸以組降軹道傍昌邑故  
城在兗州府金鄉縣界高陽里名在開封府杞縣西  
陳留縣名屬開封府潁川秦郡名今屬開封南陽今  
西安府城東軹道在城東一十三里

楚項羽過驪宮一火而焚

項羽既定河北率諸侯兵西入關  
掘始皇塚燒秦宮室火三川不絕

殺子嬰屠咸陽冰消瓦解

羽引兵西屠咸陽殺秦降王子嬰  
擄寶貨婦女而東秦民大失望

老亞夫撞玉斗賭鬪鴻門

初沛公入關或說沛公遣兵守函谷無內諸侯軍沛  
公從之項羽至攻破之欲擊沛公時羽在鴻門沛公  
在霸上范增說羽急擊勿失羽季父項伯素善張良  
夜馳告之欲與俱去良曰有急亡去不義因固邀伯  
入見沛公沛公曰吾籍吏民封府庫而待將軍所以  
守關者備他盜耳豈敢反乎伯曰且曰沛公先破關  
謝歸具以告羽且曰沛公先破關且曰沛公先破關  
人有大功而擊之不義羽然之且曰沛公先破關  
羽留飲增數日羽舉所佩玉玦示之者三羽不應須  
臾沛公起如廁間行趨霸上留良謝羽因以白璧一  
雙獻羽玉斗一與謀奪將軍天下者必沛公也范增  
唉豎子不足與謀奪將軍天下者必沛公也范增  
羽尊為亞夫函谷在河南府新安縣東鴻門地名在  
臨潼縣東舊有鴻門亭項伯名纏字伯陵唉音哀

樊驂乘啗彘肩沐猴奪氣

初增目羽殺沛公羽不應增乃使項莊舞劍欲擊沛  
公項伯亦拔劍舞以身翼蔽沛公張良出謂樊噲曰  
項莊舞劍意在沛公噲即帶劍擁盾直入瞋目視羽  
髮指眦盡張目之問為誰張良曰沛公驂乘樊噲也

單同主卷三

三

羽曰壯士賜之斗酒一生彘肩噲立飲啗之噲曰秦有虎狼之心天下皆畔沛公先破秦入咸陽毫毛不取近還軍霸上以待將軍勞苦功高未有封賞之爵而聽細人之說欲誅有功之人此亡秦之續耳羽無以應後韓生說羽曰關中四塞之地不可都也秦宮室皆已燒殘又思東歸曰富貴不歸故鄉如衣秦宮室皆已燒殘又思東歸曰富貴不歸故鄉如衣

護真龍四猛士疆信侯嬰

先是范增說羽曰沛公其志不小吾使人望其氣皆為龍成五采此天子氣急擊勿失至是沛公從百餘騎見羽鴻門增使項莊舞劍樊噲直入羽賜以酒有項沛公起如廁招樊噲出置車官屬獨騎與樊噲會斬疆滕公紀通父以成死事故封侯張晏曰紀通紀信

滕子按此則紀成即紀信也  
滕公封汝陰侯紀信廣安人

封漢王用賢才築壇拜將

項羽疑沛公業已講解又惡負約因立沛公為漢王王巴蜀漢中都南鄭初淮陰人韓信仗劍從項梁敗數以策干羽不用亡歸漢為連敖坐法當斬滕公救之言於王以為治粟都尉信數與蕭何語何奇之王至南鄭將士思歸多道亡者信以王不我用亦亡去何聞追之入言於王曰丞相何信亡居一二日何來謁王曰若亡何也曰臣追亡者韓信王曰諸將亡者以十數無所追也信詠也何曰諸將易得耳如信國士無雙王欲長王漢中無所事信必欲爭天下非信無可與計事者王曰吾亦欲東耳乃召信拜為大將信請設壇具禮諸將皆喜人以為得大將至拜乃信也一軍皆驚禮畢上坐王與語大喜自以為得信晚也一軍皆驚禮畢上坐王與語大喜自以為得信鄭縣名屬漢中府淮陰今淮安府

蕭丞相書六律約法安氏

初蕭何從沛公入關獨取秦相府律令圖書藏之及沛公至霸上召父老謂曰父老苦秦苛法久矣諸侯

約先入關者王之吾當王關中與父老約法三章耳  
殺民大喜後以蕭何為丞相據秦法取其宜於時  
者作律九章何以功第一封鄼侯為開國名相  
何沛之豐人謚文終據收也  
去聲撫音職據撫收拾也

### 韓元帥使機謀明修棧道

初張良說漢王燒絕所過棧道以示項羽無東意至  
是以韓信為元帥將兵出定關中故修棧道以示出  
兵之緩路險不容行架木為棚而渡名曰棧  
道在漢中府褒城東北棧音剪又贊上聲

### 度陳倉逞手段席捲三秦

初項羽三分關中以秦降將章邯為雍王司馬欣為  
塞王董翳為翟王距塞漢路謂之三秦至是信明修  
棧道暗度陳倉引兵從故道出襲雍雍王邯戰敗走  
塞王欣翟王翳皆降雍今鳳翔縣塞名桃花林在  
河南府靈寶縣西至潼關翟本上郡今延安府陳倉  
秦縣名今鳳翔府寶雞縣故道今兩當縣屬鞏昌府

### 擄魏豹斬陳餘生擒夏說

先是羽徙魏王豹為西魏王徙趙王歇為代王立張  
耳為常山王徙齊王市為膠東王齊將田都為齊王  
以田榮不從楚擊秦故不封榮聞羽徙市而立都  
為齊王大怒擊都走之擊殺市遂并王三齊羽又以  
陳餘不從入關封餘三縣餘怒使人說齊王榮資餘  
兵擊常山復趙歇立餘為代王餘留傳趙王而後成受  
王歇復守代至是漢王使韓信擊魏魏王豹使成受  
君夏說守代至是漢王使韓信擊魏魏王豹使成受  
阪以塞臨晉信乃益為疑兵陳船渡魏臨晉而伏兵從  
夏陽以木罌渡軍襲虜豹遂定魏地信使人請兵三  
萬願以木罌渡軍襲虜豹遂定魏地信使人請兵三  
於滎陽漢王乃遣張耳與俱信進擊代兵破之擒代  
相夏說引兵擊趙趙王歇與俱信進擊代兵破之擒代  
口廣武君李左車曰井陘之道車不得方軌騎不得  
成列願假臣兵從間道絕其輜重足下高壘勿戰不  
十日而兩將之頭可致麾下聽信乃引兵下未至  
井陘口三十里止舍夜選輕騎二千人人持一赤幟  
從間道望趙軍誠曰趙見我走必空壁逐我若疾入  
趙壁拔趙幟立漢赤幟乃出背水陣趙軍望見大笑  
信鼓兵出井陘口趙開壁擊之信佯走水上軍趙果  
空壁逐之水上軍皆死戰不可敗信所出奇兵馳入  
趙壁皆拔趙幟立漢赤幟趙軍歸見幟大驚遂亂遁



彈言詩卷三

五

走漢兵夾擊斬代王陳餘擒趙王歇  
屬平陽府臨晉縣名屬蒲州夏陽今韓城縣屬西安  
府滎陽縣名屬鄭州井陘縣名屬真定府所背之水  
左車行  
唐人也  
真定府臨城縣西北二十五里  
嬰音英

### 嚇燕書囊沙計四海馳名

信既破趙以千金募生得李左車解其縛師事之問  
曰僕欲北攻燕東伐齊若何左車曰將軍擄魏王豹  
誅成安君威震天下然欲舉倦敝之兵頓之燕堅城  
之下曠日持久糧食單竭燕既不服齊必自強為將  
軍計莫若按甲休兵遣辨士奉書於燕燕必不敢不  
從燕從而東臨齊雖有智者亦不能為齊計矣信從  
其策燕從風而靡信遂東擊齊楚使龍且救之且與  
信夾濰水而陣信夜令人囊沙壅水上流且引兵半  
渡擊且佯敗走還且喜曰吾固知信怯也遂追之信  
使人決壅囊水大至且軍大半不得渡急擊殺且擄  
齊王廣濰水出青  
州府莒州且音沮

### 追霸王至烏江奇謀妙算

初項羽自立為西楚霸王至是楚與漢約中分天下  
羽解而東歸漢王追羽至固陵韓信彭越皆引兵來  
乘駿馬從八百餘騎潰圍南出馳至陰陵迷失道田  
父給曰左乃陷大澤中漢追及之至東城止有二十  
八騎羽謂其騎曰吾起兵八歲身七十餘戰未嘗敗  
北今卒困於此此天亡我非戰之罪也於是欲東渡  
烏江亭長艤船待曰江東雖小亦足王也羽曰天之  
亡我我何渡為且籍與江東子弟八千入渡江而西  
今無一人還縱江東父兄憐而王我何面目見之  
乃自刎而死楚地遂定固陵今光州固始縣垓堤  
名在鳳陽府虹縣西陰陵今無為州東城在濠州烏  
江浦名在和州東四里西楚孟康曰舊名江  
陵為南楚吳為東楚彭城為西楚垓音該

### 趕田橫歸海島許大功勳

初信破齊擄齊王廣田橫後自立為齊王聞項羽已  
滅橫懼誅與其徒五百餘人入居海島中後漢召橫  
橫與二客乘傳降漢未至三十里自刎橫既葬二客  
亦自刎島中五百餘人亦自殺海島在萊州府即墨  
縣西北

彈言詩卷三 上

共

扶助起漢高皇獨稱赤帝

天下既定漢王始即帝位是為太祖高皇帝初帝嘗被酒夜經澤中有大蛇當徑帝拔劍斬蛇有老嫗夜哭曰吾子白帝子也化為蛇當道今赤帝子斬之秦居西屬金金色白故曰白帝子劉堯後堯火德故稱赤帝子澤中在徐州豐縣西今名斬蛇溝

仗三傑鋤暴楚媢語分羹

帝西都洛陽置酒南宮問諸將曰吾所以有天下者地所以與之項羽有功者害之賢者疑之此所以失天下也帝曰公知其一未知其二夫運籌帷幄之中決勝千里之外吾不如蕭何連百萬之眾戰必勝攻必取不絕糧道吾不如蕭何連百萬之眾戰必勝攻必取也項羽有一范增而不能用人所以為我擒也初帝為漢王將兵伐楚入彭城為羽所破與數十騎遁去太公呂后為楚軍所獲羽置軍中為質後楚漢俱軍廣武羽為高祖置太公其上曰今不急下吾烹太公王曰吾與若俱受命懷王約為兄弟吾翁即若翁必欲烹而翁幸分我一杯羹羽怒欲殺之項伯曰為天下者不顧家殺之何益祇益禍耳得免彭城今徐州廣武城名在開封府河陰縣北史載高祖父曰太公母曰媢皇甫謚曰太公名執嘉又名媢媢姓王索隱曰媢媢氏打得班固泗上亭長古石碑可據

印銷鑄霎時間轉環借箸

初楚數敗漢漢王與酈食其謀撓楚權食其曰秦伐諸侯滅其社稷大王誠能立六國後其君臣百姓必

皆戴德慕義楚必斂衽而朝王曰善趣刻印欲行張  
良來謁王方食具以告良良曰臣請借前箸為大王  
籌之天下遊士離親戚棄墳墓從大王遊者徒欲望  
咫尺之地今復立六國後遊士各歸事其主大王誰  
與取天下乎正輟食吐哺罵曰豎儒幾敗乃  
公事令趣銷印 酈音歷食音異其音基

### 斬丁公赦季布賞罰分明

初楚人季布為項羽將數窘辱帝帝以千金購布匿  
者罪三族布乃鬻鉗為奴自鬻於魯朱家朱家心知  
其季布也買置田舍身之洛陽見滕公曰季布何罪  
臣各為其主且今上始得天下而以私怨求一人何  
示不廣也滕公言於帝乃赦布召拜郎中朱家遂不  
復見之布母弟丁公亦為羽將逐窘帝於彭城西短  
兵相接帝急顧曰兩賢豈相厄哉丁公乃還至是來  
謁帝以狗軍中曰丁公為臣不忠使項氏失天下遂  
斬之曰使後世為人臣無效丁  
公也 丁公名固薛人危音阨

### 太疑心老相國自污田宅

陳豨初反帝往擊之呂后與蕭何計誅韓信上聞  
使使拜何為相國益封五千戶人皆賀召平獨弔曰

上暴露於外而君守於內非被石矢之難而益封君  
置衛非以寵君也以今者淮陰新反有疑君心願君  
讓封勿受悉以家財佐軍何從之上說其秋黔布反  
帝自將擊之數使使問相國何為客又說何曰君滅  
族不久矣君入關中得民心十餘年上所為數問君  
畏君傾動關中今君胡不多買田地賤賞貨以自污  
上心必安何從之帝還百姓遮  
道訴相國帝大悅 豨音僖

### 因乘勝擊冒頓幾困平城

帝封韓王孫信為韓王都馬邑匈奴寇邊信以馬邑  
降帝自將擊信破其軍信亡走匈奴帝聞冒頓居代  
谷使人覘之冒頓匿其壯士肥馬使者皆言可擊復  
使劉敬往敬還報曰兩國相擊此宜矜夸今臣徒見  
羸瘠老弱此必欲見短伏奇兵以爭利愚以為不可  
擊帝怒以敬妄言沮軍械繫敬廣武帝先至平城兵  
未盡到冒頓縱精兵四十萬騎圍帝於白登十日帝  
用陳平計使畫工圖美女間遣人說單于曰漢天子  
漢有美女欲獻之闕氏畏奪已寵謂單于曰漢天子  
亦有神靈得其土地非能有于是單于開其一角得  
突出帝至廣武救敬封為建信侯一書云漢高祖平  
城之圍其城一面即冒頓妻關氏兵強於三面陳平

訪知關氏妬忌造木偶人運機關舞坪間闕氏望見  
謂是生人慮下城冒頓必納之遂退兵乃得此  
偶之始也匈奴單于頭曼有太子曰冒頓自立為  
單于馬邑縣名屬大同府代谷今大同府蔚州廣武  
故城在太原府代州平城在大同府東白登山名上  
有臺在大同府東關氏音烟支匈奴皇后號按  
韓王名信都今史止云封信為韓王而遺去都字使  
其名姓全同淮陰前輩謂史公疎漏此也冒頓音默  
特

### 用陳平出奇計偽遊雲夢

初帝破楚更立齊王韓信為楚王人有告信反者帝  
問陳平乎曰古者天子巡狩會諸侯陛下第出偽遊  
雲夢會諸侯於陳陳楚之西界信必迎謁謁而擒之  
持一力士事耳帝乃告諸侯會陳南遊雲夢帝及至  
陳信謁帝帝令武士縛信曰果若人言狡兔死走  
狗烹帝曰人告良弓藏敵國破謀臣亡天下已定我固  
當烹侯平佐帝凡六出奇計請捐金行反間一也以  
淮陰侯平佐帝凡六出奇計請捐金行反間一也以  
惡草具進楚使二也夜出女子二千解榮陽圍三  
也囁足請封齊王信四也請偽遊雲夢五也解白登

之圍六也雲夢澤名在湖廣安陸府南陳平字  
孺子封曲逆侯謚曰獻陽武戶牖鄉人曲逆今保定  
縣府完

### 信呂后誅大將蒞醢功臣

帝以陽夏侯陳稀為代相國監趙代邊兵稀遂反帝  
自擊之韓信稱病不從擊稀其舍人得罪於信欲  
殺之其弟上變告信陰與稀通謀呂后與蕭何謀詐  
言稀已敗死給信入賀信入后使武士縛信斬之遂  
滅三族帝初擊稀徵兵於梁梁王彭越稱病帝怒讓  
之其將扈輒勸王反王不聽梁太僕得罪走漢告越  
輒謀反帝使使掩王囚之洛陽有司治反形已具赦  
為庶人傳處蜀至鄭呂后從長安來王涕泣自言無  
罪后與俱至洛陽白帝曰彭王壯士今徙之蜀此自  
遺患不如誅之遂滅三族梟越首洛陽醢其肉以賜  
諸侯淮南王英布聞信越誅大懼亦反帝自將擊  
敗之布走江南長沙王臣使人誘與走越殺之  
南故城在廬州  
府舒城縣東南  
璜按高帝追羽至固陵與信越期會擊羽信越不至  
帝大敗退守張良說帝捐關以東棄之二人信越始

引兵來是時帝猜忌之心已生矣觀其項羽方擒即  
馳入信壁奪其軍帝之急於制信可知呂后私審食  
其帝知之而不能制后亟欲竊柄惟信越是憚故乘  
猜忌之素心肆菹醢之慘毒而帝直信之而不以為  
非使信越與布三人而在后其敢王諸呂乎逮帝自  
將擊布致中流矢遂以病亡后與食其謀盡族諸將  
故不發喪使非酈商連兵還鄉之言則鋤劉王呂不  
待七年垂拱後矣然則后之醢信越由於帝之忌功  
臣也忌功臣所以信呂后也信呂后適以滅劉宗也  
然韓信雖云族滅考外史當信誅時有客匿其三歲  
兒知蕭何與信善謀於何作書與南粵趙佗養為  
子封之海濱姓韋韓之半也今其族有鄧侯所遺書  
受封所賜詔勒之鼎器呂后名雉字娥姁淮陰舍  
人名樂說告信欲詐赦諸官徒襲呂后太子信誅樂  
說封侯英布亦封侯  
賁赫告布亦封侯

### 未央宮萬歲呼賈陳新語

未央宮帝命蕭何所治帝見其壯麗怒曰天下匈匈  
數歲成敗未可知何治宮室過度也何曰天子以四  
海為家非壯麗無以重威且無令後世有以加也上  
悅陸賈時為帝稱說詩書帝罵曰乃公居馬上得之

安事詩書賈曰馬上得之寧可馬上治之乎帝曰試  
為我著秦所以失天下吾所以得之者及古成敗之  
國陸生乃祖述存亡之徵凡著十二篇每奏一篇帝  
未嘗不稱善左右呼萬歲號其書曰新語  
在西安府西北一十四里內有  
東關北關前殿武庫遺址尚存

### 商雒間四老出黃綺功成

呂后生太子盈戚姬有寵生趙王如意帝以太子仁  
弱如意類已欲廢太子而立如意呂后使呂澤劫張  
良畫計良曰此難以口舌爭也顧上所不能致者四  
人曰東園公綺里季夏黃公角里先生宜請來令上  
見之固一助也呂后使太子為書卑辭安車迎此四  
人四人至會宴置酒太子侍四老從年皆八十餘鬚  
眉皓白衣冠甚偉帝怪問之四人各言姓名帝驚曰  
吾求公數歲公逃避我今何自從吾兒遊乎四老曰  
陛下輕士善罵臣等義不辱今聞太子仁孝恭敬天  
下莫不延頸故臣等來帝曰煩公幸卒調護太子太  
子竟不易皆留侯招此四人之力也四皓隱於商洛  
山中故謂之商山四皓  
東園公姓袁名秉又一書  
云姓唐名宣明綺里季姓朱名暉字文季夏黃公姓  
翟名廓又一書云姓翟名廣字少通角里先生姓周

名術字元道綱目以綺里季夏一人黃公一人蓋社甫詩有黃綺終辭漢之句以黃為氏也 角音六

### 大風歌思故鄉歎悲慨

帝擊誅英布還過沛置酒沛宮悉召故人父老諸母子弟佐酒道舊故為笑樂酒酣帝擊筑歌曰大風起兮雲飛揚威加海內兮思故鄉安得猛士兮守四方於是起舞慷慨傷懷泣下數行謂沛父兄曰吾雖都沛為湯沐邑復其民世世無有所與

### 鴻鵠飛羽翼成愛子傷心

四皓侍太子宴出帝召戚夫人指視之曰我欲易之彼四人者輔之羽翼已成難動搖矣戚夫人泣上曰為我楚舞吾為若楚歌歌曰鴻鵠高飛一舉千里羽翼已就橫絕四海橫絕四海當可奈何雖有矰繳尚安所施歌數闋戚夫人嗟唏流涕上去罷酒


### 皇帝貴都長安叔孫婁敬

叔孫通說帝起朝儀采古禮與秦儀雜就之帝從之通遂徵魯諸生及帝左右與其弟子百餘人為錦

野外習之月餘帝觀之曰吾能為此令羣臣肄習長樂宮成諸侯羣臣皆朝賀莫不振恐肅敬禮畢置法酒諸侍坐者無敢喧嘩失禮帝曰吾乃今日知為皇帝之貴也拜通為太常齊人婁敬成隴西過洛陽求見上曰洛邑天下之中有德易以王無德易以亡秦地披山帶河四塞以為固卒然有急百萬之眾可具此扼天下之吭而拊其背也帝即日車駕西都長安拜敬郎中賜姓劉氏 綿葦置設綿索為習肄處葦謂以茅剪樹地為葦位尊卑之次 葦乃蒹之俗寫音最


### 去賓天付社稷平勃王陵


上擊布時為流矢所中歸疾甚呂后問曰陛下百歲後蕭相國死誰令代之曰曹參問其次曰王陵可然少戇陳平可以助之平智有餘然難獨任周勃厚重非乃所知也遂崩在王位四年即帝位八年壽五十三葬長陵 周勃封絳侯王陵安國侯



### 廿一史彈詞註卷之三上

單詞生卷三上





引前書卷三

三

